

PROYECTO DI 7 LUNA A BIRA REALIDAD

Sandra.....Sweet Memories



Despues di 7 luna e proyecto cu tanto e cantante Sandra Harms a bringa pe a mira luz. Su lp Sweet Memories Diabiernanochi a worde bautiza na su cas den presencia di medionan di comunicacion y invitados y tambe esnan cu a coopera pa e proyecto aki bira un realidad.


Sandra no ta un desconoci den comunidad ya cu el a yega di duna varios presentacionnan.

Na 1986 Sandra Harms a cuminsa cu les di piano cerca sra. Rhoda Frigerio. Cantando hunto cu Rhoda, el a haya e consejo di RHoda pa cambia pa les di canto, locual el a haci tambe y tabata yuda RHoda cu su shownan di mucha door di canta den esakinan.

Shownan cu Sandra por corda cu el a yega di presenta ta entre otro Show di dia di Mama na Tele Aruba y tambe e musical pa mucha na ALhambra, mientras cu su debut oficial na television tabata den e popular programa di Showtime.

Reaccion di publico tabata tremendo y invitacionnan a drenta pa mas presentacionnan. Sandra ta conta tambe cu hunto cu Rudy Stone el a yega di presenta den duo y solo den Club Scaramouche sigui pa un actuacion den Aruba Beach Club. Tambe el a haci back-vocal pa Kenny Simmons ariba un soundtrack di un cartoon cu el a graba na Aruba.

Na aña 1987, Sandra a participa na festival di O.T.I, caminda el a keda como cantante femenina mas popular. Despues di esey el a muda pa Hulanda pa motibo di trabao di su casa y esaki a interumpi su actuacionnan pa un aña y mei. Na 1988 tambe el a worde nomina pa cantante femenina di cual Inky Lourens a sali



ganadora.


Na Augustus 1989 hunto cu Antonio Lacle y Franklin Granadillo Sandra a cuminsa cu e proyecto di su prome L.P. "Sweet Memories" cu e ta spera di lo cay na agrado di un y tur y cu e pueblo sa di aprecia trabaoan di un talento local.

Grabacion di e lp aki a worde realiza na Aruba Recording Studio en cooperacion cu Franklin Granadillo, Sasha Figueroa, Mirugia de Cuba,


Maikel Odor, y Anthony Lacle.

Na lado A di lp tin e cancionnan "Put your hand in the hand, Baby Love, Many tears ago y Love Me" y na lado B "Wishing & Hoping, Do that to me one more time, Be my baby, My second skin".

DIARIO FARANDULA ta desea tur clase di exito den su carera artistica y cu e lp aki haya un espacio chiquito den cada hogar.



"YO TAMBIEN SOY MASHA HUNTO"



E promer parti di e anochi cu presentacion di Compania Nacional de Teatro de Venezuela na Aruba, Diabierna y Diasabrawor 8.30'or den Cas di Cultura, lo ta presentacion di e obra teatral "Yo tambien soy candidato".

Ta trata aki di un sainete, den estilo di Cabaret Politico cu conoce aki, cu ta laga e audiencia hari barica yen.

"Yo tambien soy candidato" ta un di sinetenan mas famoso na Venezuela y ta di e autor Rafael Guinand.

E obra aki tabata tin su prome presentacion na 1939 den Teatro Ayacucho, y ta recoge satiricamente e actitud popular di e votadornan nobo cu na 1937 a worde yama pa acudi na e prome eleccionnan di diputado y consejalnan di e siglo aki.

ASOMA no ta mira e balor di Calle 8

Den un entrevista cu presidente di ASOMA sr. Joy Kock el a bisa cu e no ta mira e balor di Calle 8 ya cu resumiendo tur e añanan cu bandanan di Aruba a presentan ayanan tin cu a bay den bon, pero tambe tin di nan a pasa hopi malo.

El a splica cu aña pasa e mes tabata presente na Calle 8 y por a mira con e banda cu a viaha aña pasa a pasa den malo, entre otro cu cuminda, alohamiento etc. y cu e no ta mira e balor caminda gobierno di Aruba ta subsidia un banda di Aruba pa bay Calle 8 y

tin di bay toca ariba un stage di propaganda pa haci promocion pa e producto.

Sr. Joy Kock a bisa cu el a manda un carta tambe pa directiva di Kiwanis pa duna su splicacion ariba henter e asunto, pero nan no a ricibi un contesta

satisfactorio y asina a keda dicidi cu ASOMA no ta manda ningun manda pa Calle 8.

Si gobierno of cualquier banda viaha ariba nan mes, ta pa nan cuenta, sr. Joy Kock a bisa y e ta spera cu e bandanan cu e aña aki lo viaha di Aruba lo ricibi e trato mereci.